



Broj: 02-05-30612-2/14
Sarajevo, 16.12.2014. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14), Vlada Kantona Sarajevo, na **84. sjednici održanoj 16.12.2014. godine**, donijela je sljedeći

ZAKLJUČAK

1. Utvrđuje se Prijedlog odluke o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo za period 01.01.-31.03.2015. godine broj: UO/04-20199/14, koju je donio Upravni odbor Zavoda zdravstvenog osiguranja Kantona Sarajevo na sjednici održanoj 16.12.2014. godine.
2. Predlaže se Skupštini Kantona Sarajevo da donese Odluku o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo za period 01.01.-31.03.2015. godine.

**VRŠILAC FUNKCIJE
PREMIJERA
Muhamed Kozadra, dipl.ecc.**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo zdravstva Kantona Sarajevo
5. Ministarstvo finansija Kantona Sarajevo
6. Zavod zdravstvenog osiguranja Kantona Sarajevo
(putem Ministarstva zdravstva Kantona Sarajevo)
7. Evidencija
8. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. stav 1. tačka h) Ustava Kantona Sarajevo („Službene novine Kantona Sarajevo”, br: 1/96, 2/96, 3/96, 16/97, 14/00, 4/01 i 28/04) i člana 35. Zakona o budžetima-proračunima u Federaciji Bosne i Hercegovine („Službene novine Federacije BiH“, br. 102/13), Skupština Kantona Sarajevo na sjednici od _____. 2014. godine, donijela je

O D L U K U

o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo u periodu 01.01.2015. godine do 31.03.2015. godine

I

Daje se saglasnost na Odluku o privremenom finansiranju Zavoda za period 01.01.2015. godine do 31.03.2015. godine, broj: UO/04-20199/14 koju je donio Upravni odbor Zavoda zdravstvenog osiguranja Kantona Sarajevo, na sjednici održanoj 16.12.2014. godine.

II

Ova odluka stupa na snagu danom donošenja, a objavit će se u „Službenim novinama Kantona Sarajevo“.

Broj: _____
Sarajevo, _____. 2014. godine

**Predsjedavajuća
Skupštine Kantona Sarajevo**

Prof. dr Mirjana Malić

O B R A Z L O Ž E N J E

I - PRAVNI OSNOV

Pravni osnov sadržan je u članu 18. stav 1. tačka h) Ustava Kantona Sarajevo (“Službene novine Kantona Sarajevo”, br. 1/96, 2/96, 3/96, 16/97, 14/00, 4/01 i 28/04) i 35. Zakona o budžetima – proračunima u Federaciji Bosne i Hercegovine („Službene novine Federacije BiH“, broj 102/13).

II - RAZLOZI ZA DONOŠENJE

U skladu sa članom 48. Statuta Zavoda zdravstvenog osiguranja Kantona Sarajevo („Službene novine Kantona Sarajevo“, br. 4/00, 18/02, 30/08, 1/12 i 15/13) i člana 35. Zakona o budžetima-proračunima u Federaciji Bosne i Hercegovine Upravni odbor Zavoda zdravstvenog osiguranja Kantona Sarajevo je na sjednici održanoj 16.12.2014. godine donio Odluku broj: UO/04-20199/14 o privremenom finansiranju Zavoda zdravstvenog osiguranja Kantona Sarajevo u periodu 01.01.2015. godine do 31.03.2015. godine, te istu dostavio na saglasnost Vladi, odnosno Skupštini Kantona Sarajevo.

Odluka o privremenom finansiranju Zavoda zdravstvenog osiguranja Kantona Sarajevo u periodu 01.01.2015. godinu do 31.03.2015. godine je donesena iz razloga što nije donesen Finansijski plan Zavoda zdravstvenog osiguranja Kantona Sarajevo za 2015. godinu, te će se finansiranje obavljati privremeno, odnosno za prva tri mjeseca fiskalne 2015. godine.

U ovom periodu finansiranje se vrši srazmjerno sredstvima utrošenim u istom periodu prethodne fiskalne godine, odnosno najviše do tromjesečnog prosjeka za prethodnu fiskalnu godinu.

Kako bi se obezbijedilo finansiranje potreba iz obaveznog zdravstvenog osiguranja u periodu do donošenja Finansijskog plana Zavoda zdravstvenog osiguranja Kantona Sarajevo za 2015. godinu potrebno je da Skupština Kantona Sarajevo, na prijedlog Vlade Kantona Sarajevo, donese Odluku o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo u periodu 01.01.2015. godinu do 31.03.2015. godine.

Na osnovu člana 48. Statuta Zavoda zdravstvenog osiguranja Kantona Sarajevo („Sl.novine Kantona Sarajevo“ br.4/00, 18/02, 30/08, 1/12 i 15/13), člana 35. Zakona o budžetima u Federaciji Bosne i Hercegovine („Službene novine FBiH“ broj: 102/13), Upravni odbor Zavoda zdravstvenog osiguranja Kantona Sarajevo na telefonskoj sjednici održanoj 16.12.2014. godine donosi:

ODLUKU
o privremenom finansiranju Zavoda za period 01.01.2015. godine do 31.03.2015. godine

I

Finansiranje djelatnosti Zavoda zdravstvenog osiguranja Kantona Sarajevo u periodu 01.01.2015. godine do 31.03.2015. godine vršit će se srazmjerno sredstvima utrošenim u istom periodu odnosno najviše do tromjesečnog prosjeka za prethodnu godinu fiskalnu godinu.

II

Odluka stupa na snagu danom dobijanja saglasnosti nadležnih tijela Kantona Sarajevo i primjenjivat će se do dobijanja saglasnosti nadležnih tijela Kantona Sarajevo na Finansijski plan Zavoda zdravstvenog osiguranja Kantona Sarajevo za 2015. godinu, a najduže do 31.03.2015. godine.

Broj: UO/04- 20199/14
Sarajevo, 16.12.2014.godine


Predsjednik Upravnog odbora

Mr.sci. Esed Radeljaš, dipl.oec

Član 34.

Kantonavno ministarstvo finansija dostavlja budžet kantona, konsolidovani budžet gradova i općina i finansijske planove vanbudžetskih fondova Ministarstvu finansija u roku 15 dana od dana njihovog donošenja radi konsolidacije.

1. Privremeno finansiranje

Član 35.

Ukoliko Parlament ne donese budžet prije početka fiskalne godine privremeno se, na osnovu odluke o privremenom finansiranju, nastavlja finansiranje poslova, funkcija i programa korisnika budžeta.

Odluku o privremenom finansiranju donosi Parlament. Privremeno finansiranje obavlja se najduže za prva tri mjeseca fiskalne godine.

Privremeno finansiranje, u smislu stava 1. ovog člana obavlja se srazmjerno sredstvima utrošenim u istom periodu a najviše do tromjesečnog prosjeka za prethodnu fiskalnu godinu.

U periodu privremenog finansiranja finansiraju se isti programi, a korisnici ne smiju povećavati broj zaposlenih u odnosu na stanje na dan, 31. decembar prethodne godine.

Budžetski korisnici ne mogu započeti nove ili proširene programe i aktivnosti dok se ne donese budžet.

Nakon isteka privremenog finansiranja u tom periodu ostvareni prihodi i primici, te izvršeni rashodi i izdaci uključuju se u budžet tekuće godine.

Budžet se mora donijeti najkasnije do 31. marta tekuće godine.

Ukoliko se budžet ne donese do 31. marta, nakon toga neće se izvršavati rashodi u bilo koju svrhu osim otplate duga sve dok se budžet ne donese.

2. Privremene mjere za uravnoteženje budžeta i izmjene i dopune budžeta

Član 36.

Ako se u toku budžetske godine zbog nastanka novih obaveza za budžet ili promjena privrednih kretanja povećaju rashodi i/ili izdaci, odnosno smanje prihodi i/ili primici budžeta Vlada može, na prijedlog Ministarstva finansija, donijeti odluku o obustavljanju izvršavanja pojedinih rashoda i/ili izdataka u trajanju 45 dana.

Mjerama privremenog obustavljanja izvršavanja Vlada može:

1. zaustaviti preuzimanje obaveza i/ili,
2. predložiti produženje ugovorenih rokova plaćanja i/ili,
3. zaustaviti preraspodjelu budžetskih sredstava potrebnu radi preuzimanja obaveza.

Izuzetno, uz mjere iz stava 2. ovog člana Vlada može donijeti odluku da budžetski korisnici mogu sklopiti ugovore o nabavi roba i usluga, uz prethodnu saglasnost Ministarstva finansija.

O odluci iz stava 1. ovog člana Vlada mora obavijestiti Parlament odmah nakon donošenja odluke.

Član 37.

Ako se za vrijeme provođenja mjera privremene obustave izvršavanja budžeta budžet ne može uravnotežiti, vrše se izmjene i dopune budžeta.

Vlada mora u roku 15 dana prije isteka roka za privremenu obustavu izvršavanja budžeta predložiti Parlamentu izmjene i dopune budžeta.

Izmjene i dopune budžeta vrše se po istom postupku koji se primjenjuje kod donošenja budžeta.

U toku postupka izmjena i dopuna budžeta Vlada može na prijedlog ministra finansija, produžiti privremenu obustavu izvršavanja pojedinih izdataka.

Izmjenama i dopunama budžeta ponovo se uravnotežuju prihodi i primici, odnosno rashodi i izdaci budžeta.

Član 38.

Odrebe člana 32. i čl. od 34. do 37. ovog zakona shodno primjenjuju kantoni, gradovi, općine i vanbudžetski fondovi.

VII. FISKALNA ODGOVORNOST

1. Uspostavljanje fiskalnog koordinacijskog tijela

Član 39.

Za potrebe koordinacije fiskalne politike u Federaciji uspostavlja se fiskalno koordinacijsko tijelo Federacije sa ciljem osiguravanja makroekonomske stabilnosti i fiskalne održivosti Federacije.

Član 40.

Vlada imenuje fiskalno koordinacijsko tijelo Federacije u čiji sastav ulaze: federalni ministar finansija, kantonalni ministri finansija i predstavnik Saveza općina i gradova Federacije Bosne i Hercegovine.

Član 41.

Fiskalno koordinacijsko tijelo nadležno je i odgovorno za:

- koordinaciju fiskalne politike u Federaciji,
- prijedlog fiskalnih ciljeva budžeta Federacije, kantona, jedinica lokalne samouprave i vanbudžetskih fondova,
- utvrđivanje makroekonomskih projekcija i projekcija ukupnih poreznih i neporeznih prihoda u Federaciji,
- kontrolu implementacije fiskalnih pravila iz člana 42. ovog zakona,
- prijedlog gornje granice zaduženja budžeta Federacije, kantona, jedinica lokalne samouprave i vanbudžetskih fondova,
- utvrđivanje stanja i projekciju duga u Federaciji,
- utvrđivanje mjera i aktivnosti radi osiguranja stabilnosti servisiranja duga,
- utvrđivanje kriterija i visinu novih zaduživanja u vezi sa ukupnim ograničenjima zaduženja za narednu fiskalnu godinu,
- praćenje realizacije utvrđenih ciljeva i kriterija kod donošenja i izvršavanja budžeta, te predlaganje korektivnih mjera i aktivnosti,
- koordinaciju aktivnosti u poštivanju budžetskih kalendara tokom pripreme, usvajanja, izvršenja i revizije budžeta Federacije, kantona, jedinica lokalne samouprave i vanbudžetskih fondova,
- predlaganje prioriteta u unapređenju sektora javnih finansija,
- usvajanje prijedloga kratkoročnih i dugoročnih makroekonomskih projekcija,
- ostala pitanja iz oblasti javnih finansija,
- usvajanje poslovnika o radu i drugih akata potrebnih za rad fiskalnog koordinacijskog tijela Federacije.

2. Pravila za jačanje fiskalne odgovornosti

Član 42.

Prijedlozi zakona, uredbi, propisa i drugih akata koje Vlada donosi ili predlaže na donošenje Parlamentu moraju sadržavati procjenu finansijskih efekata na budžet, kao i mišljenje Vlade, ako Vlada nije predlagač zakona.

Tokom izvršavanja budžeta Ministarstvo finansija može vršiti finansijsku kontrolu zakonitog i namjenskog korištenja budžetskih sredstava.

Kontrolu iz stava 2. ovog člana vrše lica ovlaštena od ministra finansija.

Član 43.

Planirani tekući bilans budžeta mora biti pozitivan ili jednak nuli izuzev u slučajevima elementarne nepogode ili stanja

Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08-01-14- 30686/14
Sarajevo, 16.12.2014. godine


**ZAVOD ZDRAVSTVENOG OSIGURANJA
KANTONA SARAJEVO**

**Predmet: Mišljenje na Odluku o privremenom finansiranju Zavoda zdravstvenog osiguranja
Kantona Sarajevo za period od 01.01.2015. do 31.03.2015. godine**

Vežano za Odluku o privremenom finansiranju Zavoda zdravstvenog osiguranja za period od
01.01. 2015.godine do 31.03.2015. godine, Ministarstvo finansija d a j c

MIŠLJENJE

Odluka o privremenom finansiranju Zavoda zdravstvenog osiguranja Kantona Sarajevo za period od 01.01.2015. godine do 31.03.2015. godine, broj: UO/04-20199/14 od 16.12.2014. godine koju je donio Upravni odbor Zavoda zdravstvenog osiguranja Kantona Sarajevo, u skladu je sa odredbama čl. 35. i 38. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14 i 13/14).



MINISTAR

Amrhanović, Zozadra, dipl. ecc.

Pripremila: Amina Močević 
Kontrolisala: Prguda Zlata, dipl. ecc. 



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent. i 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tiha 62

